

ZAVRŠENI RADOVI NA PROJEKTU „SANACIJA GUBITAKA NA VODOVODNOJ MREŽI DIONICA X, XI, XIX VODOVODNE MREŽE FOJNICA“

Javno komunalno preduzeće „Šćona“ d.o.o. Fojnica uspješno je realizovalo projekat pod nazivom „Sanacija gubitaka na vodovodnoj mreži dionica X, XI, XIX vodovodne mreže Fojnica“, čime je napravljen još jedan važan korak na unapređenju vodovodnog sistema i zaštite okoliša.

Nosilac projekta bilo je Javno komunalno preduzeće „Šćona“ d.o.o. Fojnica, dok je partner u projektu bila firma VH Gradnja d.o.o. Fojnica. Projekat je finansiran od strane **Fonda za zaštitu okoliša Federacije BiH**, koji je prepoznao značaj ove investicije za smanjenje gubitaka pitke vode i poboljšanje ekoloških standarda u općini Fojnica.

Cilj projekta bio je zamjena zastarjelih asbestno-cementnih cijevi novim, savremenim materijalima, kao i smanjenje gubitaka vode na vodovodnoj mreži. Na ovaj način poboljšana je pouzdanost sistema, smanjeni su tehnički gubici, te osigurano stabilnije i sigurnije snabdijevanje građana pitkom vodom.

Ukupna vrijednost projekta iznosila je **155.471,00 KM**, dok je Fond za zaštitu okoliša FBiH učestvovao sa iznosom od **85.600,00 KM**. Radovi su uspješno završeni u predviđenom roku od augusta do septembra 2025. godine.

Ovim projektom Javno komunalno preduzeće „Šćona“ d.o.o. Fojnica potvrđuje svoju posvećenost modernizaciji komunalne infrastrukture i zaštiti okoliša, s ciljem pružanja kvalitetnijih usluga građanima i racionalnog korištenja prirodnih resursa.

Za dodatne informacije o projektu, možete kontaktirati:

Konjicija Almir, ing.grad.

Mob: **061/477-433**

Ovaj projekat je sufinansirao Fond za zaštitu okoliša Federacije Bosne i Hercegovine (FZOFBiH).

Sadržaj ove publikacije isključiva je odgovornost Javnog komunalnog preduzeća „Šćona“ d.o.o. Fojnica i ne predstavlja nužno stav Fonda za zaštitu okoliša FBiH.

www.fzofbih.org.ba